

# Makan tengah hari RM1

BERITA HARIAN (NACIONAL) 19 JAN 2016 M/S 22

» UMP bantu pelajar kurang berkemampuan lima hari seminggu

Oleh Nik Sukry Ramli  
niksukry@bh.com.my

## Kuantan

**U**niversiti Malaysia Pa-hang (UMP) menyediakan pelbagai program bagi membantu pelajarnya yang kurang berkemampuan, seterusnya menangani mereka yang terpaksa 'ikat perut' berikutan kekangan kewangan.

Naib Canselornya, Profesor Datuk Dr Daing Nasir Ibrahim, berkata antaranya ialah Program Kongsi Rezeki: Set Makanan Tengah Hari Murah de-

ngan menawarkan makanan tengah hari kepada pelajar dengan harga RM1 sahaja.

Katanya, program itu diadakan lima hari seminggu di Kampus Gambang dan Pekan, membabitkan penyediaan 500 bungkus makanan kepada pelajar.

### 500 bungkus makanan

"Program ini antara yang paling mendapat sambutan dan kami berharap untuk masa akan datang, kita juga boleh menyediakan 500 bungkus untuk ditawarkan kepada pelajar bagi juadah makan mala-m mereka.

"UMP juga menyediakan Skim Pelajar Bekerja (SKB) untuk pelajar yang ingin mencari pendapatan sampingan dengan melakukan kerja sepanjang masa di perpustakaan universiti atau fakulti berkaitan tanpa mengganggu jadual kuliah. Tahun lalu, RM29,887 dibelanjakan untuk membayar elauan kepada pelajar yang me-



Dr Daing Nasir Ibrahim

nyertai SKB," katanya di sini, semalam.

Daing berkata, Pusat Islam dan Pembangunan Insan (PIMPIN) turut memainkan peranan melalui Program Jelak Asnaf bagi mengenal pasti pelajar UMP yang mempunyai latar belakang hidup keluarga yang susah.

Katanya, program Iftar Ja-

maei yang diadakan setiap kali Ramadan juga banyak membantu pelajar menjimatkan belanja mereka sepanjang bulan puasa.

Beliau berkata, pihak UMP juga menawarkan ruang niaga kepada pelajar dan mengjurkan 'Car Boot Sales' bagi memberi peluang memperoleh pendapatan sampingan untuk menampung kos sara hidup mereka sepanjang berada di universiti itu.

Selain itu, katanya, setiap universiti awam mempunyai Tabung Kebajikan Pelajar dan mereka yang berdepan masalah boleh membuat aduan melalui Jabatan Hal Ehwal Pelajar dan Alumni (HEPA).

"Setakat pengetahuan kami, tidak ada pelajar UMP berdepan isu 'ikat perut' dan kami sentiasa meminta setiap warga universiti, sama ada kakitangan akademik atau pelajar supaya melaporkan segera jika ada pelajar berdepan masalah kewangan."